

嘉業堂
叢書

南唐書注

第九册

100

101

102

103

104

105

106

107

108

109

南唐書補注卷八

吳興劉承幹翰怡

徐知證傳

改王魏

補注

南唐近事廬山九天使者廟有道士忘

其姓名體貌魁偉飲啖酒肉有兼人之量晚節服餌丹砂躁于冲舉魏王之鎮潯陽也郡齋有雙鶴因風所飄憩于道觀迴翔嘹唳若自天降道士且驚且喜焚香端簡前瞻雲霓自謂當赴上天之召命山童控而乘之羽儀清弱莫勝其載毛傷背折血灑庭除抑按久之是夕皆斃翌日馴養者詰知其狀訴于公府王不之罪處士陳沆聞之爲絕句以諷云啗肉先生欲上昇黃雲蹋破

紫雲崩龍腰鶴背無多力傳語麻姑借大鵬

徐知諤傳

除地爲場

補注

江南通志明林魁蒜山考云蒜山在

丹徒縣西三里北臨江上無峰嶺山生澤蒜故名唐劉
展叛田神功將三千軍于瓜洲將濟江復將步騎萬餘
陳于蒜山又徐知諤遊蒜山除地爲廣場舊志謂蒜山
松林中可卜居蘇子瞻詩蒜山幸有閒田地著此無家
一房客觀此則山寬展可容萬人宋時猶可居止不知
何年淪入于江也

徐遊傳

去景字

補注

宣和畫譜有徐景遊談道圖卽徐遊也

歎賞不已

補注東都事略蘇易簡除翰林學士一日

易簡當禁直以水試敲器太宗曰聞卿所玩非敲器耶
易簡曰然乃進曰日中則昃月滿則虧器盈則覆物盛
則衰願陛下持盈守成念終始固萬世之基則天下幸
甚遷給事中參知政事

王建封傳

且拔矣

補注資治通鑑開運三年福州使者至錢塘

吳越王弘佐召諸將謀之皆曰道險遠難救惟內都監
使臨安水正昭券以爲當救弘佐曰唇亡齒寒吾爲天
下元帥曾不能救鄰道將安用之諸君但飽身安坐耶
壬午遣統軍張筠趙承泰將兵三萬水陸救福州十一

月己酉吳越兵至福自晉浦南潛入州城唐兵進據東武門李達與吳越兵其禦之不利自是內外斷絕城中益危

遂潰而歸

補注

馬書誅死傳王建封爲人剛鷲無所

忌憚及陳覺等矯命討李仁達建封帥師圍福州與諸將爭功城垂剋而先退諸軍由是潰散遂失晉安

殺之

補注

南唐拾遺江南軍使王建封驕恣奢僭築

大第于淮南暇日臨街坐見一老嫗攜少女過衣服襤縷而姿色絕世建封呼問之云孤貧無依乞食至此建封曰吾納爾女而給養爾終身可乎嫗欣然建封卽召入命取新衣二襲以衣之嫗及女始脫故衣皆爲凝血

聚于地旬日建封被誅

附錄

鍾遵 南唐拾遺江南大理評事鍾遵南平王傳之
孫也歷任貪濁水部員外郎孫岳素知其事密縱于
權要竟坐下獄會赦除名遵卽以事在赦前又以其
祖嘗賜鐵券恕子孫二死因復詣闕自理事下所司
大理奏贓狀明日遂棄市臨刑或與之酒遵不飲曰
吾當訟于地下不可醉也遵死月餘岳方與客坐有
小青蛇出于棟間岳視之驚起曰鍾評事鍾評事變
色而入遂病翼日死

王彥儔傳

彥儔卽斬之

補注

玉壺清語王彥儔五代之際爲本

郡軍校材質雄偉剛毅有謀勇冠羣卒久欲奮發而無其端一旦同列五六人者語彥儔曰天下紛紛能者可立吾輩何忍端坐以溫飽自墮耶可相共起事以圖富貴乎彥儔私自計曰此六人者死氣侵面是爲我啟迹也遂許之曰吾今夜正當宿直君輩可持短兵入吾爲內應富貴之來不出今夕六人者喜是夜皆至彥儔伏甲于內盡殺之持其首詣闔泣告刺史曰巡警無狀致姦盜竊發已伏其罪矣願公親出以撫衆刺史驚喜而出方慰勞次彥儔立斬之遂據上蔡

朱匡業傳

出夫人使更嫁

補注吳春秋夫人朱氏少以黠慧侍

太祖會延壽被誅并夫人出之注云朱氏唐封燕國夫人制曰全燕列壤大國疏封式示寵榮以旌賢淑

朱令贊傳

虎蹲洲

考異按馬陸書及江南野錄皆云虎蹲洲宋

史本紀及劉遇傳皆云擒令贊于皖口王明傳又云小孤山李燾續通鑑長編從宋史未知孰是

生獲令贊則非也

補注陸游入蜀記經皖口至趙屯

未朝食皖口卽王師破江南大將朱令贊水軍處趙屯有戍兵亦小市聚也

王崇文傳

廣德公主

補注釋廣德公主徐溫女李建勳妻也先

建勳卒南唐封公主多以郡名廣德偶然相同十國春秋謂崇文以門第壻于義祖則謬滋甚矣

素號難治

補注馬書列傳王崇文字光福性重厚儒

雅博綜經史少爲軍校小心敏幹爲歙吉二州刺史

南唐近事王崇文以舊德殊勳位崇台衮巨鎮名藩節制逮之坐鎮浮競出入三朝喜愠莫形世推名將

民忘其亂

補注資治通鑑開運二年冬以百勝節度

使王崇文爲永安節度使崇文治以寬簡建人遂安胡三省曰撫寧荒亂其政當爾自蓋公授此法于曹參參以相齊亦以相漢後人知此法者鮮矣

加中書令卒

補注馬書未拜而卒

胡則傳

爲江州指揮使

補注十國春秋保大末爲軍校後上

立進爲諸軍使未幾官江州指揮使

曹翰攻之

補注東都事略曹翰大名人也少爲郡小

吏周太祖鎮鄴奇之以隸世宗帳下世宗鎮澶淵以爲
牙校及尹開封翰猶在澶淵聞太祖寢疾不俟召見世
宗密言曰王爲冢嗣不侍醫藥何以副天下望世宗悟
入侍禁中以府事命翰總決世宗卽位補供奉官稍遷
樞密承旨世宗征淮南留鎧甲千數在正陽旣而遣降
卒八百來京師翰遇之于途懼其過正陽劫兵器叛盡

殺之及見世宗具言其事世宗不悅亦不之罪也太祖征蜀以翰爲均州刺史鑿山開道商旅以濟詔翰兼轉運使而糧饋不乏蜀平將征江南命翰率兵先赴荆南以翰爲先鋒使克池州金陵平江州軍校胡則據城拒命命翰率兵討之

負山樓櫓

補音釋

江西通志九江府城池舊傳築于

漢灌嬰又云九江王英布所築興廢不一劉宋昇明閒左中郎將周山圖造樓櫓立水柵又九江形勝圖經云南面廬山北背大江方輿勝覽云左挾彭蠡右傍通州誓死不從

補注

圓通紀勝宋師南渡胡則據守江州

宋將曹翰部曲渡江入廬山寺僧皆驚走緣德正坐如

平時翰至不起翰怒呼之曰長者不聞殺人不眨音剎眼將軍乎緣德熟視曰汝安知有不懼生死和尚耶翰大奇之曰禪者何故而散緣德曰擊鼓自集翰命裨校擊之僧無至者翰曰不至何也緣德曰公有殺心故爾乃自起擊之僧人咸集翰再拜問決勝之策曰非禪者所知也

使後不可守

補注陳禹謨說儲宋藝祖以乙亥取江

州後三百年亦以乙亥失江州自注呂師夔以江州降元

悉投江流

補注清波雜志曹武惠彬下江南副帥欲

屠城曹力止之曰此已降不可殺後夢一神人告之曰

汝能全江南一城人帝命賜汝城中人爲汝子孫故其後繁盛輝家遠祖國初知江州屬曹翰屠城之初遺骸徧野乃對廬山作萬人冢仍自爲記

翰悉取之

考異續長編江州城險固拔之曹翰發怒

屠城死者數萬人翰因請載廬山東林寺五百鐵羅漢像歸至潁州新造佛舍遂調發巨艦十餘艘盡載金帛置鐵象于其上時號爲押綱羅漢

申屠令堅傳

風雲占

補音釋論衡云以風占貴賤者風從王相鄉

來則貴從囚死地來則賤京房易要占云雲形如鳥其下主兵雲形如帚其下有兵又兵書云雲如日月有赤

氣繞地不可攻城城內有黑雲大如火星名曰軍精勿
犯城上雲如奔牛兵不可往此風雲占之所始也

鷓鴣洞

補注江南通志鷓鴣洞在吉水縣西北五里

山皆環合中分南洞西洞有田數百畝多鷓鴣南唐時
盜吳光據之今屬吉安府

斬先

補注

南唐春秋茂忠斬先先或作光州里慶之呼爲

劉小僕射

喬匡舜傳

以典贍稱

補注

騎省集亞元舍人不替深知猥貽佳

作三篇清絕不敢輕酬因爲長歌聊以爲報中有云足
繫紅牋墮我前引頸長鳴如有言開緘試讀相思字乃

是多情喬亞元短韵三篇皆麗絕小梅寄意情偏切金
蘭投分一何堅銀鉤置袖終難滅自注亞元詩云借問
小梅應得信春風新自海邊來此篇尤佳

陳橘皮榜

補注

江表志喬匡舜知貢舉及第五人

正旭樂史王則程渥陳皋皆舉數升降等甲無名時以爲
喬之榜類陳橘皮年高者居上

附錄

正旭 馬書歸明傳正旭字孟陽宣城農家子也少
以畜產爲事弱冠始讀書學爲詞章因隨計金陵凡
九舉而曳白者六七然自勵彌篤不以爲恥旣而困
窘無進取意秋試將邇寡嫂劉敬問行期旭以匱乏

告劉曰苟濟榮望雖孤兒可鬻況貲用乎于是罄橐
遺之旭不得已再就鄉舉明年春試德厚載物賦旭
爲第一釋褐歸鄉而家人猶疑其未調暨鄉老酋長
謁賀郡吏改署里名乃知上第及金陵平例歸于京
師補鎮將數年詣南曹敘理會呂公蒙正判銓聞旭
名問曰汝非能爲賦者乎對曰江南獻賦適爲第一
呂公曰久聞爾名謂爲古人乃並世耶因令取所集
旭初著文多爲人取去無留巾笥者輒于書肆訪之
獲舊本獻焉呂公憐之薦授令錄遷京秩卒于衡州
旭嘗纂自古賢俊遺言爲賓朋宴語行于世其爲詞
賦得有唐程度體後人以爲法 龐元英文昌雜錄